



Broj: 01-2-2216/17
Sarajevo, 29.05.2017

MEDIJIMA

PREDMET: Saopćenje za javnost

Informacija o bankarskom sistemu Federacije BiH 31.03.2017

Prvi kvartal 2017. godine karakteriše neznatan rast bilansne sume i depozita, nastavak pozitivnih trendova koji se ogledaju u rastu kredita, štednje stanovništva i kapitala. Na nivou sistema zabilježen je pozitivan finansijski rezultat, te se na osnovu svega može zaključiti da je bankarski sektor i dalje ostao stabilan, adekvatno kapitaliziran, a likvidnost je i dalje zadovoljavajuća.

Bilansna suma bankarskog sektora na kraju prvog kvartala 2017. godine iznosila je 18,5 milijarde KM, što je neznatno povećanje od 0,7% ili 122 miliona KM u odnosu na kraj 2016. godine.

Kreditni, kao najveća stavka aktive banaka, u prvom kvartalu 2017. godine zabilježili su rast od 2,3% ili 288 miliona KM i sa 31.03.2017. godine iznose 12,6 milijardi KM. Nastavljeni su i pozitivni trendovi iz 2016. godine, u segmentu sektorskog kreditiranja, odnosno većeg rasta kredita odobrenih privatnim preduzećima nego stanovništvu. Krediti dati privatnim preduzećima ostvarili su stopu rasta od 3,2% ili 182 miliona KM, tako da su krajem marta 2017. krediti dati ovom sektoru dostigli iznos od 5,9 milijardi KM i učešće od 47,3%. Krediti dati stanovništvu u istom periodu zabilježili su stopu rasta od 1,1% ili 67 miliona KM, dok je njihovo učešće blago smanjeno sa 48,7% na 48,1%, te su u prvom kvartalu tekuće godine iznosili šest milijardi KM.

Pokazatelji kvaliteta kredita su i u prvom kvartalu 2017. godine, kao i u prethodne dvije godine, poboljšani, što se posebno odrazilo na sektor pravnih lica. Nešto veći rast kreditnog portfolija, znatno niži priliv novih nekvalitetnih kredita, kao i trajni otpisi, imali su pozitivan efekat na koeficijent učešća nekvalitetnih kredita u ukupnim kreditima, koji je sa 11,7%, koliko je iznosio na kraju 2016. godine, smanjen na 11,4% sa 31.03.2017. godine.

U prvom kvartalu ove godine zabilježen je neznatan rast depozita od 0,5% ili 71 milion KM. Štedni depoziti, kao najznačajniji i najveći segment depozitnog i finansijskog potencijala banaka, zadržali su pozitivan trend rasta i dostigli iznos od osam milijardi KM, što je za 1,3% ili 101 milion KM više nego na kraju 2016. godine.

Prema podacima iz bilansa uspjeha, na nivou bankarskog sistema u Federaciji BiH u prvom kvartalu 2017. godine ostvaren je pozitivan finansijski rezultat – dobit u iznosu od 78,8 miliona KM.

URED ZA INFORMISANJE FBA